



Broj: 01-2-71-9/21
Sarajevo, 19. 01. 2026. godine

Na osnovu Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 36. Statuta JP „Olimpijski bazen Otoka“ d.o.o. br.01-1-383-5/23 od 20. 02. 2023. godine, Nadzorni odbor JP „Olimpijski bazen Otoka“ d.o.o., na konstituirajućoj sjednici održanoj dana 19. 01. 2026. godine, donosi **ODLUKU o poništenju Javnog konkursa za izbor i imenovanje direktora JP „Olimpijski bazen Otoka“ d.o.o. Sarajevo**

PONIŠTAVA SE JAVNI KONKURS

I

Poništava se Javni konkurs za izbor i imenovanje direktora JP „Olimpijski bazen Otoka“ d.o.o. Sarajevo, broj: 01-2-1853/25 od 08. 10. 2025. godine i to objavljen na web. stranici Preduzeća, web.stranici JU "Služba za zapošljavanje Kantona Sarajevo, „Službenim novinama FBiH“, broj: 87/25 od 12. 11. 2025. godine i dio teksta Javnog oglasa objavljenog u dnevnom listu "Dnevni avaz".

Javni konkurs se poništava iz razloga što nijedan kandidat nije dobio većinu glasova.

II

Odluka stupa na snagu danom donošenja, a objavit će se u „Službenim novinama F BiH“, na web.stranici Preduzeća, web.stranici JU "Služba za zapošljavanje Kantona Sarajevo i dio teksta u jednom dnevnom listu.

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj:12/03, 34/03 i 65/13), člana 12. Zakona o javnim preduzećima u F BiH („Službene novine F BiH“, broj: 8/05, 81/08, 22/09 i 109/12), člana 263. stav (3) Zakona o privrednim društvima („Službene novine F BiH“, broj:81/15 i 75/21), člana 36. i 37. Statuta JP „Olimpijski bazen Otoka“ d.o.o. -„prečišćeni tekst“ - , broj: 01-1-383-5/23 od 20.02.2023. godine i člana 5. Odluke o standardima i kriterijima za izbor i imenovanje direktora JP "Olimpijski bazen Otoka" d.o.o.Sarajevo, broj: 01-2-71-11/26 od 19. 01. 2026. godine, Nadzorni odbor JP "Olimpijski bazen Otoka" d.o.o. Sarajevo, raspisuje:

PONOVNI JAVNI KONKURS ZA IZBOR I IMENOVANJE DIREKTORA JP "Olimpijski bazen Otoka" d.o.o.Sarajevo

Objavljuje se javni konkurs za izbor i imenovanje direktora JP "Olimpijski bazen Otoka" d.o.o. Sarajevo.

I OPIS UPRAŽNJENE POZICIJE

Direktor je odgovoran i nadležan da:

1. organizira rad i rukovodi poslovanjem;
2. izvještava Nadzorni odbor i Skupštinu Preduzeća te druge nadležne organe o radu i poslovanju Preduzeća;
3. priprema i izrađuje prijedloge internih općih akata Preduzeća o kojima odlučuje Skupština i Nadzorni odbor Preduzeća te drugi nadležni organi;
4. donosi interne opće akte Preduzeća iz svoje nadležnosti;
5. donosi pojedinačne akte u skladu s internim općim aktima Preduzeća;
6. donosi Pravilnik o radu;
7. izrađuje provedbene propise za postupak javnih nabavki i provodi važeće propise o postupcima javnih nabavki;
8. izradi, predloži i realizuje plan poslovanja i revidirani plan poslovanja, sa planom nabavki;
9. daje prijedlog rasporeda dobiti;

10. daje prijedlog načina pokrića gubitka;
11. predlaže organizaciju Preduzeća i sistematizaciju radnih mjesta;
12. odlučuje o potrebi za radom i raspoređivanjem radnika;
13. zapošljava i otpušta radnike i reguliše njihov radnopravni status u skladu sa Zakonom o radu, Općim kolektivnim Ugovorom i internim općim aktima Preduzeća;
14. odlučuje o službenim putovanjima radnika;
15. odlučuje o razvoju ljudskih resursa, edukaciji, o potrebi zapošljavanja novih radnika, u skladu sa planovima poslovanja;
16. zastupanju Preduzeća u sudskim postupcima ili eventualnim postupcima protiv drugih organa Preduzeća;
17. zaključuje ugovore i poduzima druge pravne radnje u skladu sa zakonom;
18. priprema i predlaže Nadzornom odboru donošenje odgovarajućih odluka, izvještaja, studija, analiza, cjenovnika, programa razvoja i preduzimanje mjera za njihovo provođenje;
19. podnosi izvještaj o poslovanju Nadzornom odboru po polugodišnjem i godišnjem obračunu s bilansom stanja i bilansom uspjeha;
20. podnosi izvještaje o javnoj nabavci Odboru za reviziju i Nadzornom odboru;
21. provodi zakon i druge propise;
22. provedi Statut, Etički kodeks i druge interne opće akte Preduzeća;
23. izvršava odluke organa Preduzeća;
24. dostavlja informacije na zahtjev organa Preduzeća;
25. obavlja i druge poslove neophodne za poslovanje Preduzeća, u skladu sa zakonom.

II MANDAT

Mandat direktora prestaje: protekom vremena na koje je imenovan, prestankom Javnog preduzeća, na vlastiti zahtjev i smjenjivanjem.

Mandat direktora Javnog preduzeća traje 4 (četiri) godine i na istu funkciju može biti ponovo imenovan.

Mandat direktora Javnog preduzeća može prestati prije isteka perioda imenovanja na način kako je utvrđeno zakonom, Statutom JP "Olimpijski bazen Otoka i nastupanjem smetnji za obavljanje funkcije u skladu sa Zakonom.

Radnopravni status direktora uređuje se ugovorom između Nadzornog odbora i direktora.

III USLOVI ZA IMENOVANJE

Svi kandidati za imenovanje na traženu poziciju moraju ispunjavati sljedeće opće i posebne uslove .

a) OPĆI USLOVI

- a). da je državljanin BiH,
- b). da je stariji od 18 godina,
- c). da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 (tri) godine od dana objavljivanja upražnjene pozicije,
- d). da se na tog kandidata ne odnosi član IX. 1. Ustava Bosne i Hercegovine,
- e). da nema privatni/finansijski interes u JP "Olimpijski bazen Otoka" d.o.o.,
- f). da nije u funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj: 12/03, 34/03 i 65/13)
- g). da nije osuđivan za krivično djelo i za privredni prestup nespojiv sa dužnošću u preduzeću u koje se kandiduje, 5. godina od dana pravosnažne presude uključujući vrijeme zatvorske kazne,
- h). da nije vlasnik društva koje ima djelatnost istovjetnu sa djelatnošću Društva;
- i). da nije lice kojem je presudom suda zabranjeno obavljanje aktivnosti u nadležnosti preduzeća u koje se kandiduje,
- j). da se na njega ne odnose ograničenja iz člana 252. stav 1. i 2. Zakona o privrednim društvima,
- k). da ne postoje druge zakonske smetnje za obavljanje funkcije direktora.

b) POSEBNI USLOVI ZA POZICIJU DIREKTORA

- a). da posjeduje visoku stručnu spremu ili odgovarajući ekvivalent bolonjskog sistema studiranja (minimalno 240 ECT) dokaz: **(diploma)**;
- b). da ima najmanje 7 (sedam) godine radnog iskustva u struci nakon sticanja visoke stručne spreme, a od toga najmanje 5 (pet) godina na rukovodećem radnom mjestu (**dokaz: potvrda o radnom iskustvu**);
- c). da ponudi plan i program razvoja Preduzeća;
- d). da je uspješan u obavljanju na ranijim poslovima (**dokaz: preporuka**);
- e). da ima sposobnost za svjesno, odlučno i odgovorno obavljanje pozicije i sposobnost nepristrasno donošenja odluka (**intervju**);
- f). da ima komunikacijske i organizacijske sposobnosti (**intervju**);
- g). da posjeduje znanja i sposobnosti razumjevanja poslovnog izvještaja, poznavanja privrednog prava i ukupnog zakonodavstva iz nadležnosti preduzeća (**intervju**);
- h). da ima sposobnost upravljanja finansijskim i ljudskim resursima i naklonjenost timskom radu (**intervju**);
- i). da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine („ Službene novine BiH “, broj: 13/02, 16/02, 14/03, 12/04, 63/08, 18/12, 87/13 i 41/16) i Zakona o sukobu interesa u organima vlasti Federacije BiH („Službene novine FBiH“, broj:70/08);
- j). da je prošao odgovarajuće usavršavanje u skladu sa Zakonom o privrednim društvima i Uredbom o usavršavanju predsjednika i članova nadzornog odbora i uprava privrednih društava sa učešćem državnog kapitala („Službene novine FBiH“, broj: 71/09, 33/10, 23/11, 83/11, 2/13, 48/15, 60/16 i 88/17 i 19/22) (Dokaz: ovjerena kopija certifikata o završenom usavršavanju izdata od strane nadležnog organa Privredne komore).

IV SPISAK POTREBNIH DOKUMENATA, ROK I MJESTO ZA PODNOŠENJE PRIJAVA

Kandidati su dužni, uz prijavu, koja sadrži biografiju s kratkim i preciznim pregledom profesionalnih aktivnosti i radnog iskustva, te adresu i broj kontakt telefona, priložiti originalne dokumente ili ovjerene kopije dokumenata i to:

- uvjerenje o državljanstvu BiH (ne starije od 6 mjeseci);
- izvod iz matične knjige rođenih;
- ovjerena kopija univerzitetske diplome;
- ovjerenu kopiju CIPS-ove prijave ;
- uvjerenje ili potvrda o radnom iskustvu;
- preporuku poslodavca;
- plan i program razvoja Preduzeća
- certifikat o završenom usavršavanju izdata od strane nadležnog organa Privredne komore
- ovjerenu izjavu od nadležnih organa o ispunjavanju uslova iz tačke III a) za podtačke od c). – k). i tačke b) za podtačku i).

Kandidat koji nema certifikat o završenom usavršavanju izdat od strane nadležnog organa Privredne komore, dužan je izjavom ovjerenom kod nadležnog organa obavezati se da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti važeće uvjerenje o statusu kandidata u postupku usavršavanja, a u protivnom, nadležni organ koji u tom privrednom društvu vrši ovlaštenja po osnovu učešća državnog kapitala dužan je pokrenuti postupak za razrješenje sa dužnosti.

Kandidat koji prođe izbor dužan je dostaviti uvjerenje da nije osuđivan za krivično djelo i za privredni prestup nespojiv sa dužnošću u preduzeću u koje se kandiduje, 5 godina od dana pravosnažne presude uključujući vrijeme zatvorske kazne, da nije lice kojem je presudom suda zabranjeno obavljanje aktivnosti u nadležnosti direktora.

Javni konkurs ostaje otvoren 15 dana od dana objavljivanja u „Službenim novinama F BiH“.

Svi kandidati koji uđu u uži izbor biti će pozvani na intervju, koji će biti obavljen u skladu sa članom 11. Zakona o ministarskim, vladinim i drugim imenovanjima Federacije BiH. Lični podaci o kandidatima su tajni i mogu se prikupljati i obrađivati u skladu sa odredbama Zakona o zaštiti ličnih podataka BiH ("Službeni glasnik BiH", broj:12/25).

Komisija će kontaktirati kandidate koji ispunjavaju formalne uslove u roku od 8 dana od zatvaranja konkursa. Kandidati koji ne budu kontaktirani u navedenom roku mogu smatrati da nisu prošli u narednu fazu selekcije.

Dokumenti koji se prilažu uz prijavu moraju biti u originalu ili ovjerenoj kopiji. Preduzeće nije obavezno vraćati dokumentaciju dostavljenu uz prijavu, sem u slučaju priloženih originalnih dokumenata.

Prijave sa traženim dokumentima potrebno je dostaviti lično ili preporučenom poštom na adresu:

**JP „Olimpijski bazen Otoka“ d.o.o. Sarajevo
Ul. Bulevar Meše Selimovića 83 b
71 000 Sarajevo
sa naznakom**

**„Prijava na ponovni Javni konkurs za izbor i imenovanje direktora
JP "Olimpijski bazen Otoka" d.o.o.Sarajevo - NE OTVARATI“.**

Neblagovremene i nepotpune prijave neće se uzeti u razmatranje.

v.d. Predsjednik Nadzornog odbora:
Admir Korman, s.r.

Broj: 01-2-71-14/26

Sarajevo, 19. 01. 2026. godine